



姓韻卷三十二

六麻

麻 見風俗通



左襄二十八年傳盧蒲姜告慶舍且止之曰誰敢者遂如公  
麻嬰爲尸爲盧蒲癸殺

呂氏春秋麻朝相馬

酷吏傳河南則麻戊徐廣曰一云麻成

風俗通漢有麻光爲御史大夫又有麻達註論語按麻光明  
麻法見律麻志

集古印謚漢有麻定麻顛麻長卿

開河記隨征北大總管麻叔謀蒸食小兒

後趙錄石勒征東將軍麻秋大原胡人性彪險鴆盡有兒啼

母恐之曰麻秋來啼聲遂絕後爲苻洪子健獲之以爲軍師  
將軍因宴鴆洪爲世子健所殺

前秦錄廣平麻思流寄闕右因母喪歸葬請歸冀州

齊諧記江南麻治好噉膾江北華本得一大蛇喚麻爲膾食  
甚美苦索魚名粿本因醉喚取蛇及餘肉出麻治大吐歐血  
死

異苑并州祭酒桓回以劉聰建元三年于途遇老父問曰樂  
成憑今居何職我與其人舊爲致清談得察孝廉君若相  
見令知消息回問姓字曰我吳郡麻子軒也言畢而樓亦見

前趙錄

唐書以司農少卿麻仁節等二十八將討契丹契丹飛索以  
緇生獲之

唐書利仁府折衝麻嗣宗預平帝后之亂官左金吾大將軍  
涼國公賜姓李氏改名延昌子藏珍

唐書麻察河東人由明經第五遷殿中侍御史按齊澣傳大  
理丞麻察坐事出爲興州別駕澣往餞因道諫語察素姦佻  
遽言狀帝怒召澣入責之賤蔡潯州皇化尉麻察輕險無行常  
游太平之門

羊異集驗貞元中麻安石至壽春謁太守楊承恩自言習學  
推步大夫于四月合加官得旌節果驗

五代史員外郎麻麟伏閣上疏論張彥澤殺張式之寃不省  
續通鑑長編試將作監麻皓年嘗注孫吳二書及李靖問對  
頗得古人意旨

氏族畧宋祥符登科有麻溫天祐中官太子中允直集賢院  
元豐有麻中孚懷州人麻希夢臨淄人官叅軍年九十餘太  
宗訪養生之術子景孫太平興國進士子仲英七歲能詩博  
學有行富韓二公守青州薦其行義召爲國子助教

宋史麻士龍元兵入常州文天祥言尹玉及士龍援之力戰  
死所率五百人無一降者

元史麻九疇字知幾易州人七歲能草書作大字以神童召  
見博通五經尤長易與春秋官應奉翰林文字

甘肅志麻僖慶陽人父永吉由庶吉士爲御史終湖廣按察  
使以清操聞僖登萬曆三十五年進士授庶吉士改兵科給  
事中有直聲崇正初致仕家居李自成陷慶陽死之

明史麻貴大闕右衛人官右都督果毅驍捷善用兵東西並  
著功伐兄錦官宣府鎮總兵子承勛遼東副總兵從子承恩

歷宣府延綏大同諸鎮總兵承紹寧夏叅將麻訓薊鎮副總  
兵承宣岷洮副總兵承宗遼副總兵麻氏多將才人以方鐵  
嶺李氏曰東李西麻

甘肅志麻冕安化人弘治中歲貢授刑部主司歷升福建左  
布政有勞績

車 見廣韻

世本黃帝臣車蓋占星氣

漢藝文志黃門倡車忠等歌詩十五篇

列仙傳扶風車子侯有無爲之道詔授侍中按子侯扶風人

漢武帝愛其清淨遷至侍中一日語家云我今補仙官此春  
應去至夏中當還武帝思之作幽蘭之歌

謝承書梁國車成字子威兄恩都爲赤舄所得欲齎之成叩  
頭曰兄瘦我肥欲得代之賊感其義俱放之

謝承後漢書梁國車章爲本縣功曹令爲人所誣章證其無  
罪取筆立詞乃以斧斫左手五指閉口死于獄中

吳錄車浚南平人陸遜慕之請與相見後爲會稽太守不出  
筭緡就所在斬之按江表傳浚在公清忠值郡荒旱民無資  
糧表求賑貸皓謂浚欲樹私恩遣人梟首

晉書車胤字武子南平人父育郡主簿胤官丹陽令遷吏部  
尚書護軍將軍王國寶諷八座啓道子進位丞相加黃鉞胤  
稱疾不署帝嘉其有守

晉書車灌豫章太守御史中丞詔遣兼司空散騎常侍車灌  
等持節如洛陽脩五陵

齊書車僧郎爲後軍叅軍使魏至平城魏主問曰齊輔宋日  
淺何故遽登大位對曰虞夏登庸身涉元后魏晉匡輔貽厥  
子孫時宜各宜耳後大饗以班在宋使後不就席爲解奉君  
刃于會中

魏書車師大帥車伊洛世服于魏魏拜伊洛平西將軍封前部王

十六國春秋車濟字萬度敦煌人張重粲以爲金城令果毅有大量爲石季龍將麻秋殺

前秦錄著作郎車敬書荀太后李威之事

十六國春秋前秦車頊著秦書後秦車普平西人姚興馳使止王尚普先以狀告俛檀俛檀遽逼遷王尚

元史車若水字清臣黃巖人師金粲王柏博學善古文號玉峯山氏著宇宙略記

車遽氏見世本

車門氏見世本

世本齊臨淄大夫車門遽按廣韻引車遽氏又引車門遽疑有一訛

車成氏見王符潛夫論

英賢傳後漢有車成則字長儒按集古印謚漢有車成則車成長卿

英賢傳晉戎已校尉鼓煌車成將

車焜氏見官氏志按通鑑作車焜非

車非氏見官氏志

蛇 見姓苑

後秦錄姚萇后蛇氏畧陽氏蛇兮之從姑也蛇兮為建義將軍擊勃勃兄子提卻之又使兮屯陝津以備并州牧姚懿兄蛇越為南安太守蛇平臨晉太守按氏族畧蛇越滂之弟蛇楊竒為散騎常侍建義一作建成誤

元史大德五年雲南羅鬼女子蛇節等作亂烏撒烏蒙東川芒部諸蠻從之容苴殺之效順

蛇丘氏見王嘉拾遺記辯證

英賢傳濟北蛇丘惑為河內太守生重濟北太守女適羊續

按河內鄧元亞引作河南惑一作或又按羊氏家傳羊續娶

濟北星重女與此又異

英賢傳蛇丘炳為侍御史又隱士蛇丘靈居曲阿

路史唐有蛇丘欽按一引作余丘欽今唐書作余欽

瓜 見姓苑

秦廣武將軍張產碑陰有部大瓜黑平寺門瓜胡

瓜田氏見漢書注

王莽傳臨淮瓜田儀為盜賊依阻會稽長洲服虔云姓瓜田



名儀又云上谷儲夏自願說瓜田儀葬以為中郎將使出儀  
儀文降未出而死葬求其屍葬之為起冢祠堂諡曰瓜室殤  
男

嘉 見廣韻

左傳襄公二十一年傳樂盈奔楚范宣子殺箕遺黃淵嘉父  
等十人注樂盈黨按廣韻作周大夫非

宋史三佛齊國臣嘉末吒來貢是外夸姓也

氏族畧宋有嘉承永州司法嘉正太平興國進士湘鄉人

氏姓謹景泰舉人嘉縉夏縣人嘉睿稷山人嘉靖中任清苑

知縣

四川志嘉天罷劍州人順治十一年甲午科舉人嘉玉振乾

隆甲午科舉人保寧人任漢州學正又嘉子彰劍州舉人

家 見氏族畧

史記家伯為幽王太宰又家父為大夫按詩節南山家父刺  
厲王也

左傳魯桓公八年天王使家父來聘注家氏父字天子大夫  
十五年家父來求車

左僖公十五年韓之戰步揚御戎家僕徒為右按亦見晉語

又云惠公至于絳郊聞慶鄭止使家僕徒召之曰鄭也有罪  
猶在乎

集古印謚漢有家諱之

風俗通漢有家羨爲劇令

康泰扶南傳昔范旃時有譚楊國人家翔黎嘗從其本國到  
天竺展轉流賈至扶南爲旃說天竺土俗道法流通金寶委  
積山川饒沃恣所欲左右大國世尊重之旃問云今去何時  
可到幾年可回黎言天竺去此可三萬餘里往還可三年踰  
及行四年方還以爲天地之中也

唐書安州防禦使家晟昇朱全忠親吏有隙恐及禍昇指揮  
使劉士政兵馬使陳可璠等將兵三千襲桂州殺經略使周  
元靜而代之晟醉侮可璠可璠手刃之

唐書孝友傳陳留家師諒

宋史家愿字處厚晉山人弱冠遊京師以廣文館進士登紹  
聖元年第廷策進士中書侍郎李清臣擬進策問力詆元祐  
之政愿答策惟以守九年之所已行者爲言時門下侍郎蘇  
轍嘗上疏辨策問舉漢武帝事觸上怒待罪愿未知也因見  
轍誦所對驚喜曰故人子道同志合猶若是也楊畏覆考專

主熙寧元豐取畢漸爲第一愿遂居下第而國論大變矣元符三年以日食求言愿時爲普州樂至令應詔上言極論時政凡萬言疏上不報崇寧元年詔籍元祐元符上書人姓名愿以選人籍入邪黨下等謫監華州西嶽廟禁錮不調凡十年大觀四年字星出降赦黨禁解始秩調知雙流縣通判文州郡守鄭行純憑內侍勢自恣罷蕃夸互市啟邊隙愿爭之不從徑下令復其舊守怒交章互奏俱報罷而愿以曾入黨籍謫英州酒稅量稅黃州數年始予祠興元帥臣王庶薦良通判果州靖康初左丞馮澥薦備諫列除開封府功曹京城失守不克赴高宗南渡擢知閬州會張浚謀大舉愿謂浚厲兵足穀以俟機會浚不悅移彭州有論防邊書名曰罪言守彭之明年乞骸骨以歸卒淳祐間愿曾孫大酉侍講經筵因從容及之上改容加歎宣取所上書又親書西社同門友元符上書人

通鑑長編寶元元年上以開封府所解銷廳進士陳博古等嘲謗籍籍密詔博古及韓億四子并兩家門下士范鎮家靜試卷皆勿考着山人考官奏鎮靜實有文馳聲場屋非附兩家之勢而得者乃聽考而降其等級

東坡詩集注家定國家安國晉山人定國號退翁弟安國字復禮博學舉進士不第後隨韓存寶征乞弟得官既而諸公薦之得成都教授東坡子由及退翁兄弟少時皆嘗從晉州劉微之按通志定國官永康司法叅軍韓絳欲治西山道定國謂蜀近夸恃險以安整為坦塗將有後憂絳然其言為之罷役

宋史家勤國愿父慶歷嘉祐間與從兄安國定國同從劉巨遊與蘇軾兄弟為同門友王安石久廢春秋學勤國憤之著春秋新義熙寧元豐諸人紛更而元祐諸賢矯枉過正勤國

憂之為築室作室喻二蘓東坡讀之敬歎

朝野雜記成興之變立節者紹興縣主簿家大酉避偽去官又其次也按一統志大酉愿曾孫舉進士初授昭化縣主簿吳曦叛大酉不授其招淳祐中侍講經筵累官工部侍郎與宰相史嵩之論不合罷去大酉為人方直雖累屈守死不變卒諡文節

朝野雜記家子欽晉山人嘉定二年以通直郎知金州遇歲杪有軍士夜揭居民之楮鏹者為廂巡所縛子欽怪而問之曰某粗能杪紙本將日責杪紙若干張未嘗給其直計無所出

故至是耳子欽憐而釋之金州惟西門一軍頗富蓋其壁壘  
在崇岡之上家有荒田始鋤之以植菜久而知其利也則更  
之以粟麥歷年既久懇植益勤遂乃足食乃知屯田誠為大利  
要在使其樂為之耳又云成興之變立節者金州都統司家  
子欽避偽去官又其次也

鶴山題跋蒲江令眷山家子鑑俾邑民魏了翁書周子太極  
說張子西銘朱文公呂成公學規勒石於鄉校又從了翁得  
陳忠肅公青沈文與楊文靖公劉忠肅公張宣公三跋皆真  
蹟也遂以併勒焉

舊通志家爰眷山人鄴令先是鄴二十年皆攝令人疑其不  
利虛正寢不敢居爰至居之時兵火創殘之餘折噐訟簡冗  
費代民輸賦一十萬有奇咸淳中知富順監值吳曦叛不屈  
魏了翁亟稱之歷官叙州通判知資彭普三州

宋史本傳家鉉翁眷州人以蔭補官累官知常州政譽翕然  
遷浙東提點刑獄入為大理少卿以祕閣修撰充紹興府長  
史遷樞密都承旨知建寧府權戶部侍郎兼知臨安府浙西  
安撫使遷戶部侍郎賜進士出身拜端明殿學士簽書樞密  
院事元兵次近郊丞相吳堅賈餘慶檄告天下守令以城降

鉉翁獨不署元帥遣使至欲加縛鉉翁曰中書省無縛執政之理堅奉表祈請于元以鉉翁介之禮成不得命雷館中聞宋亡旦夕哭泣不食飲者數日元以其節高欲尊官以示南服鉉翁義不二君辭無詭對宋三宮北遷鉉翁再率故臣迎謁伏地流涕頓首謝奉使無狀不能感動上哀無以保存其國見者莫不歎息文天祥女弟坐兄故繫官鉉翁傾橐中裝贖出以歸其兄璧鉉翁壯貌奇偉身長七尺被服儼雅其學邃於春秋自號則堂改館河間廼以春秋教授弟子數爲諸生設宋故事及宋興亡之故或流涕太息元成宗皇帝卽位放

還賜號處士錫賚金幣皆辭不受又數年以壽終

四川志家坤翁知撫州家退翁知懷安軍家橫字仲本明經兄柳中甲科家彬家仲家之翼景定進士皆眉州人家棟開禧進士梓潼人

氏姓謚家之僕景州人正統中任定陶丞家臣榆次人成化中任寶鷄縣令家文慶廣平人正德中任觀城令家世隆岑谿人嘉靖中任通州判官

茄 見池北偶談

茄豐氏此姓諸書無今補

中記黃帝臣茹豐氏有罪刑而放之扶伏而去是為扶伏  
民在玉門外

加見姓苑

鐘鼎款識周加仲盃銘曰加仲諸友用其吉金自作盃子子  
孫孫其永用之

漢韓敕碑故豫州從事蕃加進子高按蕃地名加姓子高字  
氏姓謹加傅稷山人正德舉人

渭南縣志加應龍妻張氏守節旌表

迦

迦葉氏

通典師子國王迦葉加羅訶犂那于梁武帝大通元年遣使  
貢獻

按唐書景龍朝有迦葉志忠官鎮軍大將軍右驍衛將軍兼  
太史局事有進桑條歌表言后當命受通鑑云上桑韋歌十二  
篇非也歌乃鄭愔作見朝野僉載志忠表上之李嶠神龍麻  
序云唐鎮國大將軍右驍衛將軍知太史局事迦行志誤脫  
忠字或三思使志忠奏是夜攝提入太微宮至帝座主大臣  
晏見納忠于天子上以為然敕稱紀處納忠誠徹于象後

配流柵州

姓篡貞觀時涇原大將試太常卿迦葉濟

李白集有答湖州迦葉司馬詩

霞

霞露氏見廣韻

瑕

見姓苑

左隱公十一年傳瑕升盈又以螿弧登周麾而呼曰君登矣

注鄭大夫

左傳襄公十年周伯與之大夫瑕禽與王叔之宰坐獄於王

庭瑕禽曰昔平王東遷吾七姓從王牲用脩具王賴之而賜

之辭旄之盟

左昭十二年傳周殺瑕辛於市周又有大夫瑕廖

百官表廷尉瑕更為大理按漢又有瑕蒼史記儒林傳廣川

殷忠徐廣云殷一作段又作瑕也

集古印謚漢有瑕襄

瑕呂氏見杜左注

左傳晉侯使卻乞告瑕呂飴甥按姓瑕呂名飴甥字子金後

食采于陰又曰陰飴甥



瑕丘氏見風俗通

史記項羽紀瑕丘申陽張耳嬖臣也先下河南郡迎楚河上故立申陽爲河南王都洛陽按孟康以瑕丘縣老人姓申名陽非也文類以爲姓瑕丘其說是

洞冥記仙人瑕丘仲甯人採藥得龍肝瓜食之十歲不渴按列仙傳仲賣藥於甯地震里中數千家屋臨水皆壞仲死里人棄仲屍於水中收其藥少選仲披裘而至謂之後爲夫餘使者按水經注作班丘仲

巴 見世本太平寰宇記路史

昭十三年傳王乃昇巴姬密埋璧于大室之庭使五人齊而長入拜杜注巴姬共王妾

世本廩君出于赤穴名務相姓巴氏

國策魏有大夫巴寧公孫痤曰決利害而使三軍不惑巴寧爨享之力也

集仙傳酈食其少與巴一事韓眾一習醫藥生學游說

後漢書揚州刺史巴祗按祗字敬祖在官不迎妻子俸祿不使有餘饋毀壞不復更易以水澡黑傅而用之夜昇之對坐暗中不然官燭

黨錮傳議郎巴肅字公祖渤海高城人名在八顧後官潁川太守按肅始昇陳蕃同謀曹節等不知但坐禁錮後乃知而收之肅自載詣縣縣令解印綬欲昇俱去肅曰為人臣者有謀不敢隱有罪不逃刑遂被誅

丁鴻傳北海巴茂為太常受書于丁鴻精通大義按已茂傳受桓榮歐陽尚書之學

吳越脩史劉漢宏之將巴立都知兵馬為戍肅王殺

題名錄巴鏞都昌縣人乙未進士巴思明濟南新城縣人正德甲申進士巴文忠宏治舉人壽州人

平定三藩紀畧吳三桂偽將軍巴養元降

沙見北史路史

粵易國志哀牢夷沙壺生九子按續漢書作沙壺水經注作

沙臺夸姓也

風信通晉有沙廣

梁書貞明中有渤海沙承贊登第

南齊書百濟王牟大奏曰魏虜侵界使士將沙法名等破之今假行征虜將軍邁羅王

五代史唐明宗時有雲州節度使沙彥恂又為應州節度使

又孟知祥有義勝都頭太原沙延祚敗官軍于龍州又唐明宗時有弓箭庫使沙守榮昇奔洪進責石敬瑭

氏族畧宋將軍有沙世堅守宜州平劇賊

唐胄瓊臺志沙洪字文遠臨高人從吳琦學豁達坦夸善書大筆尤通勁子廷梧作楷有父風規

氏姓謚沙毅江浦人洪或舉人任知縣沙玉字子明或昌人永樂初任陟縣知縣飛蝗不食境禾沙稷字育民儀真舉人嘉靖時歷工部員外郎沙璧商城人成化進士歷廣東左叅政

陝西志沙鵬字宗哲乾州人宏治進士歷河南副使沙金延

安人嘉靖中任威茂叅將廉仁不刻恂恂儒者之風

沙陀氏見姓謚

唐書神龍右驍衛大將軍蒲州都督張掖公沙陀金山開元左羽林大將軍永壽郡王沙陀輔國左金吾大將軍同正酒泉公沙陀盡忠

沙吒氏見姓謚氏族畧

唐書百濟西部人黑齒常之即降復悞昇左右十餘人遁歸本部昇別部將沙吒相如各據險以應福信後降劉仁軌使

將其眾取任存城

唐書神龍中沙吒利官左驍衛大將軍封邠國公按許堯佐  
柳氏傳昌黎韓翃有詩名李生以幸姬柳氏贈之有蕃將沙  
吒利者初立功竊知柳氏美色劫歸第之專房及戾希逸除  
僕射入覲翃從行至京歎想不已偶于龍首岡見之使女奴  
竊言失身沙吒利請詰且待于道政里門乃以玉合自車中  
授之曰當遂永訣有虞候許俊至其第挾出之歸于翃是時  
沙吒利恩寵殊等翃俊慮及禍乃詣希逸言狀希逸大驚曰  
吾生平所爲事俊乃能尔乎遂以狀上聞有詔柳氏歸韓翃

沙吒利賜錢二百萬

唐書武后神功元年以右武衛將軍沙吒忠義爲清邊中道  
前軍總管以擊契丹按中宗時右補闕盧備上疏言忠義驍  
將之材本不足以當大任鳴沙之役主將先逃宜正邦憲又  
節愍太子重俊率左羽林將軍李思冲獨孤禕之沙吒忠義  
矯發左羽林千騎兵殺武三思崇訓

牙 見風俗通路史

氏姓謚唐宣州長史牙惟昌

金史交聘表高麗禮聘少卿牙應卿賀正旦

甘肅志宣德中金吾衛千戶牙建旗臨洮人

衛 見姓苑

辯證漢有長平令衛卿七世同居按氏族畧作牙謹卿

晉書李特載記羅尚頻爲李特所敗乃阻長圍緣水作營自

安都至犍爲七百里與特相距河間王遣督護衛博廣漢太

守張徵討特南夷校尉李毅又遣兵五千助尚尚遣督護張

龜軍繁城三道攻特特命次子蕩少子雄襲博特攻張龜龜

大敗蕩與博接戰連日博亦敗績蕩追博至漢德博走葭

萌蕩進寇巴西巴西郡丞毛植五官襄珍以郡降蕩按氏族

畧引作衛博誤劉沈使安定太守衛博襲長安爲張輔殺是

博後爲安定太守也

茶 見潛夫論路史

漢書江都易王弟濮陽侯定國行錢使男子茶恬告王建事

蘇林曰茶音食邪反

宋史三佛齊國臣茶野加茶龍眉來貢是外夸姓

陝西志隆慶丁卯舉人茶溪耀州人又茶昱洪武中洛川訓

導成平人

四川志茶寧正統中永壽訓導什邡人茶孟元嘉靖中耀州

寶雞知縣重慶人

縉紳錄嘉慶時建昌人茶春分宜縣訓導茶信芳任贛縣訓導

余 見姓苑姓纂音徒遮反

氏族畧隨考功主事余文集洛陽人其孫珩仕唐爲右司郎中唐開元時太學博士余欽南昌人改爲余桉欽爲四門直講官至太學博士集賢院學士昇諸儒撰六典三十卷初學記三十卷羣書四錄二百卷見唐書馬懷素傳又桉欽與母契常述總緝部分

又宋登科余贊洪州人余剛衢州人余赫徽州人宣和間有奉義郎知撫州臨川縣事余昌明又余昊字壽卿紹熙進士余紹興奉新人高宗時授潭州觀察推官獲盜有功理人無寃余起銅陵人一門義聚千三百餘口子孫皆以科第顯余安咸淳中廷對第一

氏姓謚元余冕字服周南城人官柳州衛經歷與知縣馬希成扞賊死余耀字叔炫莆田人永樂進士知進賢縣廉介不阿蒞下以信余可才舉鄉貢任襄陽府學訓導願試煩劇擢吏部驗封司主事練達治體遷左通政使余鳴化字時舉沅

陵人萬歷進士官吏部主事奉使西域秩郎中生平急公忘私不治田宅

甘肅志余起蛟肅州人康熙五十年任固原遊擊  
余丘氏見路史

路史余丘炳唐開元時有余丘欽皆音爲蛇

爬 一作杞見廣韻

西魏書襄州刺史爬秀按一作杞秀襄一作涼又一作杞秀  
氏姓謹爬安宛平人正統中任山縣丞  
爬利氏見姓苑按即把利氏

夸 見姓苑路史

夸娥氏

列子夸娥氏有神力移太行山

乜 見字彙補乜音伽此姓夏國有之諸書無今補

明史成化時乜加思蘭進貢

花 見姓苑

獨異記木蘭姓花父孤病不能從軍木蘭代父戍十二年木  
蘭商丘人也按姓苑木蘭任城人而留青日札周聖楷楚寶  
云姓朱楚黃民家女不知何据

唐書成都猛將花卿名驚定按杜甫詩有花卿歌

唐書高宗調露元年遣右領軍衛將軍花太智討突厥兵敗免官倉部員外郎花季睦鷹揚衛長上花匡鼎又韓建誘防城卒花重成告十六宅反

五代史吳有花虔按吳越備史虔為淮南楊氏將為吳越所獲

宋史范鎮云花日新所篡謚與鄭衛無異而以薦郊廟可乎

元史花世輔知揚州

明史功臣花雲懷遠人面鐵色驍勇絕人被陳友諒執射死

子熈累官水衛指揮僉事

氏姓謚花潤生字蘊玉福建人永樂進士為古田令有美績

花綸吉水人洪武中鄉會第一按治江西益察御史洪武二十一年諭令惟官吏貪墨鬻法及事重者如律逮問其細事毋得苛求見太祖實錄

甘肅志花蘭蘭州人官訓導花山狄道人嘉靖丁酉進士官威縣知縣

安徽志花茂巢縣人初從陳瑊先已而來歸從定江右中原山陝西蜀官都指揮



四川志花上苑南充縣人崇禎辛未進士

甘肅志嘉慶時花卓明甘肅人任廣武營把總花士奎任涼

州鎮千總

葭 見姓謹

集古印謹漢有葭照

奢 見路史

管子五行篇奢龍辯乎東方故使為土師按即奢北三才圖

會作奢北

明史四川土司奢崇明作亂據重慶其子寅又奢史都亦蘭

酋也

查 見姓苑

姓纂唐鄱陽人查祥巨富在貞元時

陸游南唐書查文徽休寧人幼好學能自刻苦手寫經史數

百卷稍長任氣好俠聞人困雖不識必 家本 坐是 不

悔也官中書舍人以平閩功官至兵部尚書樞密副使子元

方仕宋為殿中御史生道字湛然嘗泣禱河而冰泮得魚饋

母仕至龍圖閣待制子循之官大理評事按文徽昇宋齊丘

陳覺馮延巳魏岑等相結唐人謂之五鬼

稽神錄查道奉使高麗見水中人魚

南唐書查陶字大均道從兄登南唐明法律科補常州錄事  
參軍遷兵工二部郎中知台州咸平中遷秘書監子拱之淳  
化進士官郎中慶之太子中舍

氏族畧查許國海陵人以奉議郎贊帥幕查深廣德人隱居  
力學治平間郡守錢公輔薦于朝不仕號清容先生又雍熙  
時有查盛

按汪應辰集查籛爲四川總領又云總領所累年敗壞之後  
目今軍糧缺乏若以常人處之應急取辦豈暇愛民而查籛

尚未到司乃能于隨事措置救濟百姓其處心行事實爲過  
人

植

見姓苑辯證字一作植

斜

見姓苑姓謚

詰

廣韻漢洛陽令詰施吳郡人按音查作諸者非

南唐書陳起蘄州人性剛鯁尤惡妖異昇元中以進士起家

爲黃梅令時縣境獨本村有妖人諸佑諸音查佑一作祐挾左道自

言數世不食肉能使富者貧貧者富俚民稍稍從之初有徒

數十人積數年從者至數百男女無別號曰行尋夜行晝伏  
取貨於盜相與倡言佑有神術能升虛空入水火州縣亦憚  
之不敢問起到官邑人畢賀佑獨偃蹇不至起乃按戶籍取  
佑爲里正不服慢言曰吾斷令頭起告巡檢使周鄴出兵捕  
佑等獲之沃以承血佑迄不能神皆執縛搜其家得乘輿服  
器遂斬之鄴欲宥其婦女童稚起曰此皆瀆亂人倫不可使  
有遺育乃併斬之起由是知名官至監察御史卒按諸字當  
作誥

楊時喬正箋萬厯間京師有四川衛指揮誥罷

摩

摩耶氏見異域傳

娃

見姓苑

駟

見姓解

蝸

見姓苑

廊

氏族畧宋廊巴乾道間任福建路兵馬總管

他

魏書柔然別帥他稽帥照內附

魏書蠕蠕高車民他莫孤率部來降

魏書吐谷渾僞趙王他婁也來降

步 見雲南志諸書無此姓今補

元史廣西師宗州步生妻適和一產三男

姓韻卷三十三

七陽

陽 見陽氏謚叙廣韻

論語摘象輔陽侯司海宋均注伏羲之臣

左定八年傳陽越殿杜注虎從弟昭十七年傳吳伐楚陽句  
爲令尹注句穆王曾孫子瑕也子陽令終陽完陽佗令終爲  
中廐尹令終與其弟完及佗爲鄢將師讒殺之

國語晉大夫陽畢平公時與祁午使至曲沃逐欒盈

說苑宓子賤爲單父宰過陽晝曰子亦有以送僕乎陽晝曰

夫投綸錯餌迎而吸之者陽鱈也其爲魚薄而不美若存若  
亡若食若不食者魴也其爲魚也博而味厚子賤曰善  
淮南子不待脂粉芳澤而性可悅者西施陽文也注陽文楚  
之好人也

國策嚴氏爲賊陽豎與焉按一作陽堅陽堅聶政之副  
國策公叔使馮君子秦恐留教陽向說秦王

漢書趙充國傳先零降虜陽雕封言兵戾

西京雜記陽昌成都市人司馬相如以鸕鶿裘貫酒又畫工  
陽望下杜人善布色

王莽傳誅絡將軍陽俊上谷都尉陽并

漢書陽球爲司隸校尉與司徒劉郃永樂少府陳球步兵校  
尉劉納謀誅宦官事泄下獄死按球漁陽人曾爲平原相九

江太守議郎尚書令

史記太倉公淳于意臨菑人師同郡公乘陽慶慶年七十無  
子使意盡去其故方悉以禁方與之索隱云公乘是官陽慶  
爲姓名

論衡廣漢陽翁偉能聽鳥獸之音乘蹇馬之野聽知眇馬罵  
之而蹇馬亦罵之按藝陽國志楊宣師事陽翁偉能暢鳥言

寰宇記漢宣帝時北平陽厥爲漢中守經此山有栖適意遂不之郡學道感瑞見金羊因易爲姓今南鄭縣界有羊氏即厥之族也

後漢書遼東太守陽終爲張純等殺又公孫淵語親吏陽羨曰漢祚將絕當與諸卿圖正耳

十六國春秋陽鶩字士秋爲慕容皝司馬左長史遼東太守太尉子瑤爲皝兄從僕射北平人陽裕爲石季龍司馬北平太守尚書左丞按裕本王浚從事中郎耽之子也裕嘗事段遼後又爲慕容皝執之以爲郎中苻堅徵北平陽陟陽瑤爲

著作佐郎後燕留臺治書陽瑒

陽城氏見高誘注

呂氏春秋趙簡子有兩白驪而甚愛之陽城胥渠處廣門之宮夜款門而謁曰主君之臣胥渠有疾醫告之曰得白驪之肝病則止不得則死謁者入通董安于御于側愠曰謔胥渠也期吾君驪請即刑焉高注陽城姓胥渠名處猶病也

韓非子徐渠問田鳩曰陽城義渠明將也而腊于毛伯

呂氏春秋墨者鉅子孟勝善荆之陽城居按人表作陽城君漢功臣表梧齊侯陽城延以軍匠從起邾入漢爲少府作長

樂未央宮築長安城先就侯七年敬侯去疾嗣孝景中三年  
靖侯偃嗣元光三年侯戎奴嗣元狩五年坐使人殺季父棄  
市偃子陽城戎奴坐罪除元康四年延平孫之子梧公士注  
詔復家按百官表軍正陽城延為少府不作軍匠未知孰是  
漢書廣川王去之姬陽昭信譖殺姬王地餘陶望卿等  
王莽傳陽城修獻符命

桓譚新論陽城子張名衡蜀郡人與吾俱為王莽講學祭酒  
及寢疾豫買棺槨多下絲繡立被發冢按班彪傳武帝時司  
馬遷著史記自太初以後闕而不錄後好事者頗或綴集時

事然多鄙俗不足以踵繼顏注好事謂揚雄劉歆陽城衡褚  
少孫史孝山之徒按衡即衡字之訛

晉書張軌傳漢末金城人陽城遠殺太守以叛郡人馮忠赴  
尸號哭歐血而死

陽門氏見呂氏春秋亦見禮記

陽樊氏見路史

陽成氏按陽成與陽城不同諸書多混

風俗通漢諫大夫陽成公衡

按司隸校尉魯峻碑陰有門生河東蒲反陽成缺文智楊震

碑陰有河東陽成惠明劉寬碑陰門生有蒲坂陽成忠舍  
集古印謚漢有陽成平陽成遂陽成安陽成勝  
陽丘氏見姓苑姓纂

陽翁氏見姓謚

仙傳拾遺陽翁伯適北燕葬父無終山爲右北平人天祚玉  
田亦見千寶按神記

陽官氏此姓諸書無今補

按阮芸臺制軍藏秦印有陽官馬印官字筆跡微似宜見定  
香亭筆談

楊

見廣韻唐世系表

按楊朱戰國時人後于墨子楊朱與禽滑釐辯論其說在愛  
己不拔一毛以利天下與墨子相反經典釋文老子弟子楊  
朱弟布

國策韓有楊達按策作楊佺姚本作達

說苑楊因見趙簡主曰臣居鄉三逐事君五去聞君好士故  
走來見因授以爲相而國大治按鹽鐵論作楊回

史記秦始皇將楊端和五大夫楊樛胡亥將楊熊

淮南子始皇使楊翁子蒙公將築脩城西屬流沙北擊遼水



東結朝鮮中國內郡輓車而餉之

漢書楊何字叔元淄川人受易官大中大夫

漢書楊王孫學黃老術羸葬按西京雜記王孫名貴生時厚自奉養死保葬于南山

史記蜀人楊得意爲狗監侍上讀子虛賦而善之曰朕獨不得與此人同時得意曰臣邑人司馬相如自言爲此賦

漢書楊厚字仲桓新都人知天文推步術官侍中

漢書楊終字子山成都人習春秋得與白虎觀說經官校書

郎

漢書楊璇字機平烏傷人官渤海太守有異政

漢書楊政字子行京兆人從范升受梁丘易官左中郎將時人語曰說經鏗鏗楊子行

漢書楊倫字仲理東昏人事丁鴻受古文尚書官大中大夫  
漢書楊由字哀侯成都人少習易并七政元氣風雲占候爲郡文學掾著書曰其平

漢書楊仁字文義閬中人習韓詩官北宮衛士令遷閬中令  
按漢書太尉碑世表楊震字伯起攀陰人學歐陽尚書於桓  
郁官太尉子牧字孟侯富波相次讓趙常山相牧子統金城

太守沛相牧孫竒字公挺靈帝時爲侍中子亮封陽成亭侯  
震少子奉字季叔黃門侍郎奉子敷博聞篤志子照以謁者  
僕射從獻帝入關後拜侍中震仲子秉字叔節明京氏易官  
太尉子賜字伯猷官司空太尉碑字伯猷袁宏紀字子猷子  
彪字文先少傳家學代淳于嘉爲司空子修字德祖有俊才  
爲曹操殺

漢學師題名有楊淮字世期石門頌有楊淮字伯邳校官碑  
有戶曹掾楊淮是有三楊淮也

楊孫氏見英賢傳

英賢傳秦有下大夫楊孫氏始皇時有楊孫皓

揚

見揚雄自叙漢名臣奏宰相世系表

漢書揚雄傳楚漢之興揚氏邇江上處巴江州而揚季官至  
廬江守上處岷山之陽曰郟有田一廛有宅一區自季至雄  
五世而傳一子故雄無它揚於蜀

桓譚新論同時佐郎官有梁子初揚子林好學所寫萬卷至  
于白首

經典釋文揚弘天水人東晉給事中注孝經

晉樂志大元中破苻堅獲樂工揚蜀等閑習舊樂

韓昌黎集揚之采從韓愈學公有招揚之采詩

氏族畧瓊州人揚避舉諸父年百二十餘祖年百九十五

氏姓謚揚光休永樂舉人東明人

揚于氏見路史

揚食氏見路史

按左國揚食我生叔向之母聞之往及堂聞其號也乃還曰

豺狼之聲滅羊舌氏之宗者必是子也常注揚叔向邑食我

叔向子伯石也

羊 見廣韻辯證

呂氏春秋桀臣有羊莘按一作干莘

左成五年傳宋嘗元之御羊斟字叔牂食羊羹不與敗宋師

按淮南子羊羹不斟而宋國危則今左傳以斟為叔牂之名

者誤蓋名羊故字叔牂也

昭十八年傳邾人藉稻邾人襲邾邾人將閉門邾人羊羅攝

其首焉遂入之

漢藝文志羊子著書故秦博士按廣韻引戰國策有羊干者

著書顯名子與干未知孰是

漢書梁王客羊勝善詞賦按西京雜記勝為屏風賦

漢書羊祜與何熙被諷齊名安帝時爲司隸校尉按李邵別傳安帝時河南尹缺公卿皆舉鄧約李邵獨舉羊祜祜范書作侵續之祖父也羊儒桓帝時爲太常子續字興祖爲南陽太守徵爲太常子祕

風俗通羊喜爲隴西功曹時馬援爲太守牛崇爲主簿涼部號三牲脩具

三輔決錄蔣詡與羊仲求仲爲友二人皆治車爲業逃名挫廉之士

漢書羊陟字嗣祖爲河南尹嘗食乾飯按蔡邕集太山羊陟

昇邕季父衛尉質對門

蔡邕報羊月書云幸得無恙遂至徙所自城以西皆青紫鹽也

儒林傳何休與其師博士羊弼追述李育意以難二傳

黃瓊傳太常羊溥與胡廣等咸稱梁冀勳德其制度宜比周公按袁宏記作羊儒又按羊續傳祖父祜安帝時司隸校尉父儒桓帝時爲太常則作儒爲是

李固傳開陽城門候羊廸並無功德初拜便真

李膺傳宛陵大姓羊元羣罷北海郡臧汗狼籍膺按其罪

漢書羊茂字季寶爲東郡太守冬日坐白羊皮夏月坐一榆木板牀出界買鹽豉食之

楊秉傳青州刺史羊亮爲秉奏免

鬱陽序志交州牧羊甚郵人野王令羊暮字仲魚甚子

晉書羊篇歷官清慎有私牛官舍生犢及還留之

真誥萼綠萼九疑山得道女羅郁也晉升平中降羊權家贈

詩及火浣布按真誥卷一運題象篇注云羊權字道與忱之

少子晉簡文黃門郎即羊欣之祖也

按陶淵明贈羊長史詩序云左軍羊長史銜使秦川作此與

之羊名松齡不見晉宋二史

南齊書羊侃性喜音律有彈箏人陸大喜著鹿角爪長七寸

舞人張淨婉胷圍一尺六寸時人言能掌上舞

吳志羊衢初爲中庶子年二十時廷尉監隱蕃交結豪傑惟

衢與楊迪拒絕不通

晉書桂陽太守羊不疑子欣字敬元長隸書官侍中太傅按

不疑兼善醫藥撰方三十卷爲世所重

晉書羊祐字叔子官荊州都督羊曼字祖延太傅祐兄孫也

任達續縱究州八伯中曼爲黯伯

晉書常侍羊琇與帝有舊恩典禁兵預機密十餘年恃寵驕  
侈數犯法司隸校尉劉毅劾奏琇罪當死免琇官未幾復以  
白衣領職按語林羊稚舒冬月釀酒令人抱甕爲煖琇字稚  
舒

晉書羊孚作雪贊桓胤重之書於扇澍按南史羊戎好爲雙  
聲江夏王義恭嘗設齋使戎布牀須臾王出以牀狹乃自開  
牀戎曰官家恨狹更廣八分又按戎父元保

晉書羊曇太山人爲謝安所愛安卒行不由西州路因醉過  
石頭悲感不已詠曹子建詩慟哭而去

神仙傳羊惜泰山人家于縉雲以明經擢第解褐嘉州夾江  
尉罷歸幽栖括蒼夢仙女雲英食以青靈芝得仙

後魏書羊祉暴酷人號天狗

西夏錄赫連勃勃征東將軍羊狗

羊舌氏見杜預釋例魏文帝列異傳左傳疏

列女傳羊叔姬羊舌職之妻叔向叔魚之母也羊舌子好正  
不容于晉去之三室之邑邑人相與攘羊而遺之不受叔姬  
曰夫子居晉不容去之又不容于三室之邑不如受之羊舌  
子受之曰爲胖與鮒烹之叔姬曰不可南方有鳥名曰乾吉

食其子不擇肉子常不遂今肸與鮒童子也隨大夫而化者不可食以不義之肉不若埋之以明不與後二年攘羊之事發都吏至羊舌子曰吾受之不敢食也發而視之則骨存焉都吏曰君子哉羊舌子不與攘羊之事矣

按國語悼公知羊舌職之聰敏肅給也使佐中軍尉注職羊舌大夫突之子又公謂羊舌赤曰寡人屬諸侯魏絳戮寡人之弟爲我勿失注赤羊舌職之子銅鞮伯鸞也爲中軍尉佐又張老曰羊舌肸通于春秋注肸叔嚮之名按叔嚮亦曰叔譽又羊舌虎字叔熊羊舌鮒字叔魚叔向弟

### 羊角氏

烈士傳羊角哀左伯桃二人相爲死友欲仕于楚道遠山阻遇雨雪不得行饑寒無計自度不得俱生伯桃謂羊角哀曰知不如子生恐無益而棄子之能我樂在樹中角哀聽之伯桃入樹中而死得衣糧至楚平王愛角哀之賢嘉伯桃之義以公卿禮葬之角哀夢伯桃曰苦荆將軍冢相近當大戰得子則勝負哀自殺而從之

### 良 見廣韻路史

左隱七年傳鄭良佐如陳涖盟

昭六年傳子產立公孫洩及良止以撫之乃止注良止伯有子也

左襄十一年傳諸侯伐鄭鄭人使良霄太宰石奭如楚告將服于晉楚人執之

蔡倫傳帝令博士良史與謁者劉珍詣東觀校讐家法令倫監典其事

謝承後漢書良燮字惟和上黨人篤學敦行安帝聘為博士又有河間相良就

繁陽令楊君碑陰功曹史良堅子石

王莽傳羌豪良顛莽使平憲誘獻地願內屬

集古印謚漢有良章良佐良廣

後漢書大長秋丞良賀清儉退厚忠心為國陽嘉中詔舉或猛賀獨無所薦帝問其故對曰臣生自草茅長于宮掖既無知人之明又未嘗接交士類

魏書吐谷渾拾寅遣其將良利守洮陽枹罕

文苑英華良士有代常令公謝先人贈官表

一統志渠縣人良壽妻吳氏流賊進內投水而死

良臣氏見路史



梁 見王符潛夫論東觀漢記風俗通史記索隱廣韻

穆天子傳周穆王大夫有梁固

左桓三年傳曲沃武公伐翼韓萬御戎梁弘爲右文八年傳  
夷之蒐使梁益耳將中軍後作亂被殺定十三年梁嬰父嬖  
于知文子文子欲以爲卿注文子荀躒

左昭三年傳鄭游吉如晉送少姜之葬梁丙與張趯見之梁  
丙曰甚矣哉子之爲此來也子太叔曰將得已乎

左昭八年傳齊子尾卒子旗欲治其室丁丑殺梁嬰杜注梁  
嬰子尾家宰

列子周宣王牧正梁鶩能擾虎

史記孔子弟子梁鱣字叔魚按賈子說林其母夢魚而生

韓非子梁車新爲鄴令其姊往看之莫而後閉門因踰垣而  
入車遂刖其足趙成侯以爲不慈奪之璽而免之令

漢書梁統字仲寧烏氏人統祖父子都自河東遷北地子都

子橋以資千萬徙茂陵至哀平之末歸安定按東觀記橋子  
溥溥子延以明軍謀特除西域司馬延生統爲武威太守爲

政嚴猛光武時封爲成義侯同產兄巡從弟騰并爲關內侯  
按漢書拜騰酒泉典農都尉統爲九江太守子松嗣竦字叔

敬少習孟氏易松弟也坐松事與弟恭徙九真後爲漢陽太守鄭據考死獄中曾作七序後和帝封竦子崇爲樂平侯崇弟雍乘氏侯雍弟程單父侯雍子高字伯夏官大將軍子冀爲大將軍謀亂與衛尉梁叔河南尹梁胤屯騎校尉梁讓越騎校尉梁忠長水校尉梁戟均被誅冀子一名胡狗

漢書梁慳字伯威弋居人員勇氣慷慨好功名官西域副校尉後拜謁者

漢書梁鴻字伯鸞平陵人父讓王莽時爲城門校尉封修遠伯使主少昊後鴻隱霸陵山爲高士二十四人作頌過京師

作五噫之歌乃易姓運期名耀字侯光與妻子居齊魯之間後適吳死葬要離冢旁

後漢書梁鵠字孟皇善書爲選部尚書按皇一作黃安定人梁其氏見英賢傳廣韻

左昭二十三年傳晉士彌牟逆叔孫於箕叔孫使梁其捭待於門內曰余左顧而欬乃殺之右顧而笑乃止杜注捭叔孫家臣

昭元年傳號之會楚人將以叔孫穆子爲戮晉樂王鮒求貨穆子不與梁其蹊曰有貨以衛身也出貨而可以免子何愛

焉

梁餘氏見姓纂

左閔二年傳獻公十七年公使申生伐臯落氏先友爲右梁餘子養御罕夷先丹木爲右子養曰帥師者受命於廟受賑於社有常服矣不獲而危命可知也死而不孝不如逃之梁由氏見英賢傳

左傳僖公四年梁由靡與虢射俱事惠公後事獻公里克伐戎梁由靡御國語呂甥卻稱欲納公子夷吾使梁由靡告于秦穆公

英賢傳漢有梁由是先安帝時人

梁垣氏見陳留風俗傳

陳留風俗傳漢光武時有侍御史梁垣烈字文伯又武陵太守梁垣成按烈一作例文伯一作惠伯

陳留耆舊傳梁垣牧爲郡功曹與郎君歸鄉爲赤眉所得賊將咬之牧求先死賊長義而釋牧送繁露實一斛按太平御覽豆部又引耆舊傳云小黃桓牧爲都尉功曹與郎君共歸鄉里爲赤眉所得欲殺咬之求先死賊義釋之送豎豆一斛垣誤作桓牧作枚又脫梁字郡功曹作都尉功曹君上有郎

字疑是

梁成氏見漢志注

五行志孝昭始元中漢宦者梁成恢及燕王侯星者吳莫如見蓬星出西方天市東門行過河鼓入營室中恢曰蓬星出六十日不出三年下有亂臣戮死于市按姓謹以爲漢明帝時梁成恢善麻數非也

梁丘氏見路史

左傳齊景公時有梁丘據字子猶按索隱云字子將孔叢子曰宰我使于齊而反見夫子曰梁丘據遇魑毒三旬而後瘳

朝齊君齊君會大夫羣賓而度焉大夫照賓並復獻攻療之方又按晉陽州主簿顧夷義訓曰梁丘據之諫景公也于房晏嬰之諫景公也于朝

漢書儒林傳梁丘賀字長翁琅邪諸人從京房受易子臨傳父易爲黃門郎代五鹿充宗爲少府按臨亦見儒林傳受學于施讐

王莽傳屬正梁丘賜按後漢書劉伯升攻梁丘賜光武斬之於泚水西

蓋延傳斬劉永魯郡太守按東觀記以爲梁丘壽也

梁石氏見姓謚

蒯通傳通說曹相國曰東郭先生梁石君齊之俊士也隱居不嫁未嘗卑節下意以求仕也願足下使人禮之韓詩外傳齊有東郭先生梁石君當曹相國為齊相也客謂匱生曰夫東郭先生梁石君世之賢也隱於深山終不詘身下志以求仕者也云云於是曹相國因匱生束帛安車迎東郭先生梁石君厚客之亦見皇甫謐高士傳匱生作蒯通

梁可氏

氏族畧後魏上谷太守梁可頭又代郡太守梁可浪

梁彌氏此姓諸書無今補

按南齊書武帝紀有隴西公梁彌機卒子博立為吐谷渾所逼奔仇池博亮悖所部惡之彌承為眾所附穆質表請納之氏羌傳有隴西公梁彌頡梁書武帝紀有隴西公梁彌邕梁彌泰魏書宕昌傳有梁彌忽太平御覽引作念

涼

劉寬碑陰門生名有議郎河東安邑涼則孔成

印藪漢有涼潤涼儉按集古印謚潤作閏

魏志涼茂字伯方山陽昌邑人少好學議論常據經典以處

是非舉高第補侍御史爲太山太守轉樂浪太守公孫度留  
不遣之官後徵還爲魏郡太守甘陵相所在有績文帝爲五  
官將茂以選爲長史遷左軍師魏國初建遷尚書僕射後爲  
中尉奉常文帝在東宮茂爲太子太傅

香 見姓苑

劉向新序香居諫齊宣王爲太室王召尚書書之曰寡人不  
肖好爲太室香子止寡人也按香居韓詩外傳作春居

集古印謚漢有香隆

元史有香山武宗時封賓公

希姓錄明四譯官通事香牛

鄉 見姓苑

商 見姓纂氏族畧

呂氏春秋箕子商容以此窮高注商容紂時賢人老子所從  
學者淮南子老子學商容見舌而知守素柔

說苑康叔伯禽見商子商子告以橋梓之道按周髀算經周  
公問商高以算數宜即此人

家語孔子弟子魯人商瞿字子木商澤字子季

左襄二十三年傳齊人伐衛商子車御侯朝桓跳爲右商子

游御夏之禦寇崔如爲右又鄭火使商成公做宮司出舊宮人寘諸火所不及見昭十八年傳

呂氏春秋吳起謂商文曰事君果有命也夫起又曰馬鼻人敵在前援桴一鼓三軍之士若死若生子鼻我孰賢文曰吾不如子

呂氏春秋去尤篇魯有惡者其父出見商咄反而告其隣曰商咄不若吾子矣夫商至美也至美而不若至惡偏於愛也王純碑門生題名有東平商仲德

商氏世傳商亮字子粦舉孝廉到陽城遇兩虎爭一羊亮拔劍直前斬羊虎各以其半去時人爲之謠曰石里之勇商子粦暴虎見之藏爪牙

商丘氏見廣韻路史

列子范氏之藏火子粦曰能入火取錦者從所多少皆予之商丘開入火往返而身不燒又云子粦之門徒指河曲之隈謂商丘開曰彼中有寶珠泳可得也商丘開泳之果得珠列子公儀伯謂周宣王曰臣之師商丘子力無敵于天下而六親不知由未用其力故也

列仙傳商丘子胥鄙人好牧豕吹竽年七十不娶妻而不老

問其道要但言食朮菖蒲根飲水如此便不飢不老耳按太平御覽引胥作瑕世說注作商丘晉誤陶宏景曰桐葉梓葉肥猪之法在商丘子養猪經中孫綽贊云商丘卓犖執策吹竿渴飲寒泉饑食菖蒲所牧何物殆非真猪倘逢風雨爲我龍攄

漢功臣表商丘成以大鴻臚擊衛太子力戰封稅侯按匈奴傳御史大夫商丘成將三萬餘人出西河

商陵氏此姓諸書無今補

琴操商陵穆子取妻五年無子父兄將欲爲改娶妻聞中夜

警起倚戶悲嘯穆子聞援琴鼓之痛思愛之永離因彈別鵠以舒憤故曰別鵠操按穆子一作牧子

商瞿氏見史記索隱按此說非宜刪

商密氏見氏族畧路史



姓韻卷三十四

七陽

房 見廣韻

廣韻丹朱子陵四十八代孫雅王莽末為清河太守始居清河雅十九代孫諶仕燕為大尉掾慕容德南遷因居濟南郡

生四子豫

一作裕

坦遠熙號四龍今稱四祖房氏按世系表陵

三十五世孫鐘周昭王時食采于靈壽生沈十二世孫雅爲漢常山太守徙清河繹幕

戰國策秦有房喜按韓非子作彭喜魏惠王爲白里之盟喜謂鄭君者也

漢書青州牧房鳳字士元不其人九江太守明毅梁春秋有房氏之學見儒林傳

袁宏紀司徒王尋初發長安宿霸昌廐亡其黃鉞尋士房揚素狂直廼哭曰此經所謂喪其齊斧者也自劾去

黨錮傳序房植字伯武清河人官河南尹鄉人有天下規矩

房伯武之謠與甘陵周福二家賓客互相譏揣遂各樹朋徒漸成尤隙自是甘陵有南北郡按魏明帝甄表狀植少立清苦孝友忠正歷位州郡政成化行既登三事靖恭衮服雖季文相魯晏嬰在齊清風高節不是過也

北魏書晉初有清河房乾使北虜留而不返虜俗謂房爲屋引改爲屋引氏乾子孫隨魏南遷復爲房氏

魏書房法壽小名烏頭武城人與從祖弟崇古歸款于慕容白曜爲平遠將軍後歸京師賜法壽壯武侯子伯祖官齊郡內史法壽曾孫豹字仲幹先爲慕容紹宗主簿後歷西河博

陵樂陵太守齊滅不仕以兄子彥詡嗣豹兄熊字子威性至孝歷清河廣川太守有七子長彥詢以魏勲門嫡孫賜爵永始縣子弟彥謙

魏書房謨字敬放洛陽人歷昌平代郡太守遇鮮于修礼之亂朝廷以謨爲假燕州事尋除太寧太守孝莊以謨弟毓爲都督毓弟欽爲行臺並持節同謨經畧後爲賊黨是蘭安定執繫州獄蜀人聞謨被囚皆叛尔朱世隆聞而嘉之以爲東北道行臺神武時拜侍中加衛大將軍

魏書房靈寶靈建弟文藻不如兄而辯悟過之靈建在南官至州治中勃海太守以才名房士達士隆弟孝昌中平劉蒼生房須等之亂武泰初拜平原太守抑挫豪強境內肅然轉濟南太守

北齊書房景伯字良暉法壽族子祖元慶仕宋歷七郡太守景伯少喪父事母甚謹行齊州刺史政從寬簡弟景先景遠止蔬食不內御鄉里爲之語曰有義有礼房家兄弟子文烈性溫柔位司徒左長史與從弟延祐並有名子山基仕隨歷戶部考功侍郎有能名景伯弟景先字光胄累遷步兵校尉領尚書郎作五經疑問百餘篇其言該典子延祐武定末太

子家令景遠字叔遐景先弟小字陽好經傳不爲章白子敬道永熙中開府參軍

北齊書房亮字景高父法延譙郡太守亮好學有節操官東荆州刺史留心撫納夸夏安之弟詮說等并歷位清顯

齊書房恭懿字慎言謨子有局量達於從政任齊官濟陰太守有能名隨開皇時爲德州司馬政爲天下最除海州刺史隨書房暉遠字崇儒真定人明三礼春秋三傳詩書周易兼善圖緯隨文帝時爲太常博士牛宏稱爲五經庫

隨書房彥謙字孝冲通涉五經在齊仕爲齊州主簿開皇時爲承奉郎遷監察御史遷長葛縣令號爲慈父仁壽中爲郟州司馬煬帝時爲司隸刺史後出爲涇陽令子元齡字喬松

一云字喬相唐太宗子遺直

唐藝文志房千里投荒雜錄一卷南方異物志一卷字鵠舉太和初第進士高州刺史

房當氏見唐書澍按通鑑作旁當誤

防見古史考路史

史記楚元王世家太史公曰趙任防與先生豈有篡殺之謀爲天下僂哉按趙堯傳曰趙人防與公也

漢武故事廷尉上獄防年繼母陳殺父因殺陳依律年弑母  
大逆論而帝疑之詔問太子太子對曰夫繼母如母明其不  
及母也緣父之愛故比之於母耳今繼母無狀手殺其父則  
下手之日母恩絕矣宜與殺人者同不宜大逆論帝從之年  
棄市議者稱善時太子年十四帝益奇之

後漢鍾離意傳孝子防廣堂邑人爲父報仇繫獄其母死哭  
泣不食意乃聽廣歸家殯斂訖果還入獄意以狀聞得減死  
按袁宏漢紀廣遺腹子也

氏姓謚防盛永樂舉人寧遠人按弇山堂別集作寧縣人

防風氏見國語注按諸書無此姓今補

魴  
見姓苑路史

左傳昭公二十五年郈魴假使臧會爲賈正杜預注魴假郈  
邑大夫

姓氏急就篇漢有魴山

方  
見風俗通廣韻

莊子黃帝臣方明爲御

古今人表堯時有方回與舜爲友

九徵志周武王時方輔隱廬山

琴操田成連之師方子春

漢百官表司隸校尉東海方賞君賓爲左馮翊按應劭風俗通所云方賀係字訛

後漢書方儲字聖公講孟氏易通圖讖對策爲天下第一爲議郎有赤水湖讖行世兄儕弟儼均有學行儕爲安南太守儼爲大都督按謝承書方儲字聖明丹陽歙人曉風角占候爲章句母死負土成墳鸞鳥栖樹孝子傳儲字聖明幼喪父事母母終負土成墳白兔游其下作聖公者誤漢書方望平陵人立孺子劉嬰爲帝

宋文憲集方氏謚序周宣王時方叔爲將伐叛有大勳烈詩人歌之然皆顯河洛間至西漢末方紘爲司馬府長史河南尹會王莽篡國遂棄官徙江南居歙於是方氏始來江南紘生三子儕儲儼其後子孫甚衆大抵江南之方氏皆紘後而歙其宗邑也今歙山間猶多有方氏祖廟云武昌有方氏則自元巡檢漢祥始由九江來遷漢祥之先本莆人而莆之方氏又本閩閩本泉州長史達達歙裔也漢祥之孫鼎以國子生仕於朝三轉爲通政司參議

方雷氏見國語注

國語青陽方雷氏之甥也常注方雷西陵氏之姓也大戴礼  
帝繫云黃帝取西陵氏之子曰累祖實生青陽是方雷即累  
祖也古今人表黃帝取方雷氏生子嚳是為青陽  
方相氏此姓諸書無今補

按史記黃帝巡行嫫祖道死帝令嫫母監護立以為方相氏  
方吾氏見氏姓譜

韓非子方吾子曰吾聞之古礼行不异同服者同車不异同  
族者共家而况君人者乃借其權而外其勢乎按鄧名世以  
方吾子為見莊子誤矣

方叔氏見世本

辯證漢有功臣新壽侯方叔無咎按今表無之

郭璞洞林義興方叔保得傷寒坐死令璞占之不吉令求白  
牛厭之不得唯羊子元有一白牛不肯借璞為致之即日有  
大白牛自西來徑往臨驚憇病即愈按亦見搜神記

方紐于氏見路史按羅說訛宜刪

章 見世本辯證

戰國策齊有章子宣王曰章子不欺其死父

史記秦將有章邯字少榮封雍王其弟平為北地守漢拔之

索隱云平章邯子

漢書御史章贛武帝使贛助江充求巫蠱太子使客格殺贛  
說贛被劊突亡自歸甘泉

王莽傳太中大夫章明王莽篡位章自殺按明字公文蜀繁  
人見蓼陽國志

續仙傳章子威師事丁約一日辭去謂子威曰郎君得道尚  
隔兩塵注儒謂之世釋謂之劫道謂之塵

陳書司空章昭達字伯道武康人每會飲必盛設女伎雜樂  
備羌胡之聲音律姿容並一時之妙雖臨敵弗之廢也

唐書驍騎將章承嗣湖州人梓州刺史章彝尋王府長史章  
廷珪杭州人章孝標章八元章碣皆有詩名

章商氏諸書無此氏今補

岳瀆經夏禹臣有章商氏

章仇氏見姓謚

魏書宋兗州刺史畢照敬遣東平太守章仇榘詣尉元軍歸  
款

急就篇北齊書有章仇子池按唐書太史令傅奕疏云竊見  
齊朝章仇子佗表言僧尼徒眾糜損國家寺塔侈奢虛費金



帛爲諸僧附會宰相對朝讒毀諸尼依託妃主潛行謗讟子  
佗竟被囚繫刑于都市周武平齊制封其墓是池宜作佗也  
子佗蓋取古人名

隨書章仇太翼字協昭河間人善天文以太岳之冑賜姓盧  
氏按隨書又云盧太翼年老目盲以手捫字而知之即章仇  
太翼也太翼著風角要候一卷

唐長安元年右史知貢舉張說下進士章仇嘉勉

按唐東平太守章仇參素神道碑載祖名馥仕至寧南大將  
軍大王父名夔仕魏郡太守大父名政父孝方爲博陵錄事

參軍其子名兼瓊爲銀青光祿大夫戶部尚書兼殿中監內  
外廡等使按兼瓊後爲益州大都督府長史兼御史中丞持  
節劍南節度副使營田副大使本道兼山南西道採訪處置  
使

按山左金石志汶山縣辛家溝三官廟佛在金棺上囑累經  
石刻題名有大象主章仇禹生須菩提主章仇惠阿難主章  
仇仲礼象主章仇法諫章仇惠定章仇旡娘十願菩薩主章  
仇孝義碑陰有開皇五年字是章仇族屬在任城者自隨已  
蕃也

昌 見風俗通姓苑路史

莊子黃帝臣昌寓驂乘

列仙傳昌容殷時女子自稱商王女食蓬萊根往來上下見之者二百餘年顏色如二十餘人能致紫草賣與染家得錢以貽孤寡女按仙傳云常行中不見其影或云昌容能鍊骨者也

戰國策周昌佗盡輸西周之情于東周馮睢以三十金致之周殺之

百官表奉常昌閣

後漢書孝王和初平中天下大亂和爲賊昌務所攻避奔東阿後還國

後漢書東海賊昌豨按豨與泰山屯帥臧霸孫觀尹禮並附于呂布又按蜀志昌豨即昌霸呂布之敗太山諸屯帥皆降于曹獨豨反側于其間蓋自恃其才畧過于臧霸之徒也

西秦錄乾歸遣隴西羌將昌何攻秦金城郡拔之

梁書昌儀之烏江人有武幹歷平北將軍徐州刺史義之不  
知書所識不過十餘字性寬厚爲將能得人死力及居藩任  
吏民安之子寶業譙州刺史按儀之魏書通鑑作義之寶業

南史作寶景

陸游南唐書歐陽廣上書言邊鎬曰與監軍使昌黎恭不相  
協和動輒疑沮是義不服眾也

甘肅志宋昌永字禹功紹興中特奏名第一涇州人靖康中  
金人犯順永率大學生守義不屈朝廷嘉其節補進義校尉  
紹興癸未以表奏第一累遷太常寺丞

廣西志昌懿邕州人進士補文學紹興中上疏言馬政

甘肅志昌森字元秀涇州人初授蘄州廣濟縣尉以捕盜改  
知固始縣秩滿遷揚州僉判歷知英連二州

鎮江府志元昌士氣字養浩寧國人任鎮江府教授

廣東志昌祚蘄州人永樂中任博羅縣築堤興學勸課農桑  
歷四川叅政

四川志昌應舍莆田人嘉靖中知潼川縣縣當漢江下流土  
田被淹沒民不聊生舍極意撫循輕徭緩賦忤中璫他調去  
湖廣志昌應時字廷佐登進士第嘉靖四十二年以刑部員  
外郎謫武岡州殫心蒞政雅意作人

陝西志昌元正長安人嘉靖庚子舉人官知縣

錫 此姓諸書無今補按清河有錫氏當即昌姓加金耳

羌 見潛夫論姓苑路史

史記秦始皇臣羌癘伐趙

漢書烏桓傳其大人羌渠與南匈奴左部句龍吾斯反叛中  
郎將張耽擊破斬之按石勒爲匈奴別帥羌渠之胄

唐秘書監齊光又撰蔣澄碑云蔣橫仕爲大將軍從光武討  
赤眉有功以司隸羌路譖誅九子皆渡江散處帝尋悟乃覆  
羌路之家而錄其後

晉書石冰將羌盡領數萬人距周玘爲玘所斬按一作羌迪  
前秦錄苻健之母羌氏夢感大羆而孕生健

前秦錄姚萇殺堅不即位于是天水羌延與馮翊寇明等承  
檄起義各有眾數萬

後秦錄姚萇以中郎羌訓爲掾屬

氏族畧羌子充和州人治平進士

奇姓通羌仁寅衡陽人永樂中任交趾建平推官羌永祥衡  
陽人正統中任訓導羌汎山東人弘治中任繁昌縣丞羌仁  
政桂陽人嘉靖中任推官羌護桂陽人中建文乙卯舉人任  
御史激濁揚清有鐵面風裁

澗宰屏山有大村鄉人羌世泰

羌憲氏見世本潛夫論

羌丘氏廣韻云見姓苑

羌戎氏見路史

羌師氏見世本

姜 見說文姓纂

漢書廣戚人姜肱字伯淮友孝爲大被以處兄弟桓帝使畫  
工圖其形按肱弟仲海季江其名不傳抱朴子逸民篇姜伯  
淮就拜大中大夫棧爲太守不起

寧陽國志姜詩字士遊維人也事母孝有湧泉躍鯉之祥

後漢書漢陽人姜歧守道隱居不應太守橋玄之召

三國志冀城人姜叙字伯奕與楊阜破馬超按叙母慨然曰

咄伯奕常使君遇難亦汝之負豈獨義山哉義山楊阜字

蜀志大將軍平襄侯姜維字伯約好鄭成康學按世語云維  
死時見剖膽如斗大非身非能容斗當作升

晉書西夸護軍姜發爲李特所害按白居易傳有蜀客姜發  
授秋思聲甚澹

前秦錄姜宇字子居天水冀北人少孤貧爲河北陳不識家  
牧羊年十五身長七尺五寸美丰儀聰慧不識以女妻之宇

後仕堅屯騎南巴二校尉遷涼寧二州刺史歷京兆尹御史  
中丞

後涼錄呂光部將姜飛將軍姜顯

前秦錄苻堅侍中天水姜平子賦詩有丁字直而不屈

後秦錄天水姜訓爲姚萇大將軍掾姜虬爲撫軍東曹掾上  
書言廣平公之奸姜紀爲揚武將軍巧佞附于廣平公弼

周書姜儉字文簡天水人父昭自平憲司直出爲兗州安東  
長史帶高平太守儉有幹用勤濟過人爲蕭寶夤開府從事  
中郎帶長安令

梁書姜永漢中人善彈琴有文學員外郎梁州別駕漢中太  
守弟議亦善士性至孝

後魏書姜明爲兗州刺史姜維之裔孫

長 見姓苑路史

穆天子傳封其嬖臣長綽於春山之風妻以元女詔以玉石  
之刑以爲周室主

左 僖二十八年傳甯子長先祥守門以爲使也與之乘而入

論語陳蔡間有長沮

孟子長息爲公明高弟子

漢書邛人長貴爲邛穀王殺越雋太守枚根按一作任貴  
水經注董生令雍丘命縣人長照爲文章漢廣野君之德按  
一作長照

氏族畧宋長如楫撫州軍事判官長宗道淳祐中知宜州  
氏姓謚長畧滑縣人嘉靖中任河南衛指揮長珊任廬州衛  
指揮

長桑氏此姓諸書無今補

史記扁鵲傳有長桑君按神仙傳周宣王時市有童子歌曰  
巾金巾入天門呼長精吸子泉鳴天鼓養丹田伯陽以爲長

桑公子所歌之辭也

長魚氏見常昭國語注按卽脩魚氏

左成十七年傳胥童以胥克之廢也怨卻氏而嬖于厲公卻  
錡奪夷陽五田卻犢昇長魚矯爭田執而梏之按國語作矯  
云晉長魚矯殺三卻於榭常注長魚矯晉大夫也三卻錡犢  
至也犢與矯爭田執而梏之與其父母妻子同一轅旣矯嬖  
於厲公譖而殺三卻於榭國語又云長魚矯旣殺三卻乃脅  
欒中行而言於公曰不殺此二子者憂必及君注謂與胥童  
共脅也

長盧氏按一作長蘆

列子楚賢者長盧子著書九篇按漢藝文志道家有長盧子九篇楚人盧莊子作蘆渚宮舊事作蘆楚隱逸也呂氏春秋引長盧子曰山岳河海水金石火木此積形成乎地也

長柳氏此姓諸書無今補

左傳哀七年范氏之臣王生惡長柳朔墨子范吉射染于長柳朔漢藝文志有長柳占夢按一作張柳朔者張長古字通也

長狄氏見路史

五行志公羊穀梁傳曰長狄兄弟三人一者之魯一者之齊一者之晉皆殺之身橫九畝斷其首而載之晉見于軾顏師古曰長狄僑如爲魯叔孫得臣所獲榮如齊襄公二年爲王子成父所獲焚如宣十五年晉滅潞國而獲之

長勺氏見左傳

長梧氏按一作長吾見姓謚

莊子長梧封人問子牢曰君爲政焉勿鹵莽治民焉勿滅裂昔予爲禾耕而鹵莽之則其實亦鹵莽而報予芸而滅裂之則亦滅裂而報予又齊物論云瞿離子問於長梧子曰吾聞



諸夫子聖人不從事于務不就利不避害不善求不緣道無謂有謂有謂無謂而游乎塵垢之外夫子以為孟浪之言而我以為妙道之行也長梧子曰是黃帝之所聽瑩也長兒氏見英賢錄

說苑長兒子魚智伯囂之時絕而去三年將東之越聞囂見殺謂御曰還車反吾將死之御曰夫子絕而去之今反死之是絕屬無別也子魚曰吾聞仁者無餘愛忠臣無餘祿遂反而死按廣韻漢有長兒魯

長沙氏此姓諸書無今補

倉頡廟碑有守左尉萬年長沙瑗字君平按萬年縣在扶風東觀漢記王阜字世公為重泉令鸞鳥集學舍阜使五官掾長沙疊為張雅樂擊磬鸞鳥應聲而舞

長見寰宇記

左傳周敬王大夫長弘按長字叔見常昭國語注繁長張禪等題名錄有夸侯長竟舒

殺阮碑陰郡吏有長冬冬生長方季方長缺元和

水經注陳留人長照為鄴生碑文按一作長照

集古印謚漢有長地行長益長費長博之

魏志太祖遣曹洪將兵西迎天子衛將軍董承與袁術將長  
奴扼險洪不得進

唐書大厯中奉天尉萇總

五代史萇從簡善用槊仕後晉爲金吾將軍從簡陳州人先  
仕唐絳州刺史麟金州防禦使按從簡所至多潛捕小兒以  
食許州富人有一玉帶遣二卒夜入其家殺而取之夜踰垣隱  
木間見其夫婦相敬如賓嘆曰吾公欲害是人而奪其寶吾  
必不免因躍出北夢瑣言作萇簡爲汝州刺史貪暴戮死  
雲仙雜記羅隱喜筆工萇鳳語之曰筆文章貨也以雁頭牋

百幅贈之

氏姓謚成化舉人萇輝柳州人按弇山堂別集作揚州人誤  
武進呂星垣文集有萇誠獻傳誠獻泗水諸生食餼有神力  
擊刺之技精無倫手挾尺寸竹木能行立空中涉川平步遇  
金刃不能傷

萇伯氏見路史

張 見潛夫論風俗通世系表廣韻宋濂集

莊子黃帝游具茨張若前馬

張氏謚圖周宣王時卿士有張仲其後裔仕晉爲大夫張侯

生老字孟老生君臣君臣生趨趨生豁豁孫曰柳朔至三卿  
分晉張氏事韓韓相開地生平凡相五君平生良字子房其  
子孫實繁分布四方

荒史張仲之父無忌事厲王爲保氏掌諫王過使衛巫監謗  
無忌疏諫王怒流于番禺而死母黃氏泣祝於洞庭君山感  
神人降雲路而投身名忠嗣祖平子字之曰仲宣王時仍爲  
爲保氏

神仙傳周時有吳人張善勳娶隣家仲氏女係友人儀堅成  
之甥生子曰淵石善勳精醫周召之以爲醫師隸於天官後

薦公孫智叔遷爲司諫

呂氏春秋張毅好恭門閭惟薄聚居衆無不趨與隸姻媾小  
童無不敬以定其身不終其壽內熱而死按幽通記張毅脩  
裸而內逼此之謂也

集仙傳師曠生於晉之張氏字子野

寧陽國志秦惠王使張若司馬錯伐蜀按此又一張若也

寰宇記壽春有九井汲一井而九井皆動俗傳云老子弟子  
張傳所鑿金縣界故張傳邨見存

左傳衛有張丐宋有張句國策韓有張翠中山臣張登秦有

張唐張若楚有張何張旄齊有張丑張祿非范睢所改者魏有張倚呂氏春秋燕有張魁國語趙襄子相張孟談

呂氏春秋張儀魏氏餘子也高注大夫庶子爲餘受氏爲張史記鄭莊脫張羽于危服虔曰羽梁孝王之將楚相張午之弟

按漢張良字子房著有赤寔經靈棊經良長子辟疆次子不疑

洞冥記張夸字少平東方朔父

漢書敦煌張奐字然明生猛爲武威太守芝舉有道芝字伯

英芝弟昶字文舒黃門侍郎皆工書

漢書張騫城固人按騫著海外經出關志

百官表東平相鉅鹿張忠子顛爲少府

桓子新論張戎字仲功習灌溉事

穀阮碑陰有穀曹史張儀又有張飛字幼龍按此有二張儀二張飛也

穰 見風俗通姓苑廣韻路史

左傳穰苴爲齊大司馬史記穰苴著兵法附司馬法中按抱朴子穰苴賴平仲以超躡是苴爲晏子所薦也

竹書紀年梁惠王二十八年穰疵率師及鄭孔夜戰於梁赫  
鄭師敗逋按呂氏春秋作襄疵疵作疵者訛作苴尤非  
史記義縱傳河內豪穰氏縱滅之

廬陵縣志穰家春天啓時爲廬陵縣教諭邑貢生

通州志穰顯清江人任泰興典史

穰 見潛夫論路史

